

四庫全書

史部

欽定四庫全書

史部

欽定勝朝殉節諸臣錄卷一

武英殿纂修中書
臣彭元疣

御製題勝朝殉節諸臣錄有序

昨以勝國殉節之臣各能忠於所事不可令其湮沒不彰特勅大學士九卿等稽考史書核議予謚入祠以昭軫慰其建文諸臣之死事者並命甄議茲大學士等議上錄其生平大節表著者予以專謚餘則通謚為忠烈忠節次則通謚為烈愍節愍統計一千六百餘人若諸生員布未通仕籍及姓名無考如山樵市隱之流則入祀所在忠義祠統

計又二千餘人各為一冊進覽之均為允協因名之曰勝朝殉節諸臣錄冠以所頒諭旨附載廷臣議疏彙刊頒行俾天下後世讀史者有所考質夫以明季死事諸臣多至如許迥非漢唐宋所可及錄而旌之亦累朝所未舉行似亦足以褒顯忠貞風勵臣節固不必如張若淮所請之遍行訪查徒滋紛擾致無了期且即再入數千人於表章大義亦無所增減廷臣駁議惟韙亦弁載之爰題詩簡

端用示大意

信史由來貴輝彰勝朝殉節與羣鄉五常萬古既云樹
潛德幽光允賴揚等度早傳遼及宋宋李若水從欽宗至金營不屈而死
金人相與言曰遠國之亡死義者十數南朝惟李侍郎一人後先直邁漢和唐諸臣

泉壤應相慶捨死初心久乃償

卷之二

卷之二

卷之二

乾隆四十年十一月初十日奉

上諭崇獎忠貞所以風勵臣節然自昔累朝嬗代凡勝國死事之臣罕有錄予易名者惟我

世祖章皇帝定鼎之初於崇禎末殉難之大學士范景文等二十人

特恩賜謚仰見

聖度如天軫卹遺忠寔為亘古曠典第當時僅徵據傳聞未暇遍為搜訪故得邀表章者止有此數迨久而遺

事漸彰復經論定今明史所載可按而知也至若史
可法之支撑殘局力矢孤忠終蹈一死以殉又如劉
宗周黃道周等之立朝謇諤抵觸僉壬及遭際時艱
臨危授命均足稱一代完人為褒揚所當及其他或
死守城池或身殞行陣與夫俘擒駢僇視死如歸者
爾時王旅徂征自不得不申法令以明順逆而事後
平情而論若而人者皆無愧於疾風勁草即自盡以
全名節其心亦並可矜憐雖福王不遇倉猝偏安唐

桂二王并且流離竄跡已不復成其爲國而諸人茹苦相從捨生取義各能忠於所事亦豈可令其湮沒不彰自宜稽考史書一體旌謚其或諸生韋布及不知姓名之流並能慷慨輕生者議謚固難於概及亦當令俎豆其鄉以昭軫慰嘗恭讀我

太祖實錄載薩爾滸之戰明楊鎬等集兵二十萬四路分出侵我興京我

太祖

太宗及貝勒大臣等統勁旅數千殲戮明兵過半一時良
將如劉綎杜松等皆沒於陣近曾親製書事一篇用
揚

祖烈而示傳信惟時

王業肇基其抗我顏行者原當多為猶難然迹其冒鎬攫
鋒竭忠効命未嘗不為嘉憫又若明杜將移孫承宗
盧象昇等之抵抗王師身膏原野而周遇吉蔡懋德
孫傳庭等以閩獻蹂躪禦賊亡身凜凜猶有生氣捲

由明政不綱自萬曆以至崇禎權奸接踵閹豎橫行
遂至黑白混淆忠良泯滅每為之切齒不平福王時
雖間有追謚之人而去取未公亦無足為重朕惟以
大公至正為衡凡明季盡節諸臣既能為國抒忠優
獎實同一視至錢謙益之自謂清流覲顏降附及金
堡屈大均輩之倖生畏死詭託繙流均屬喪心無耻
若草果能死節則今日亦當在予旌之列乃既不能
捨命而猶假語言文字以自圖掩飾其偷生是必當

明斥其進退無據之非以隱殛其冥漠不靈之魄一褒一貶袞鉞昭然使天下萬世共知朕準情理而公好惡以是植綱常即以是示彰瘅所有應謚諸人並查明史及輯覽所載遵照

世祖時之例仍其原官予以謚號其如何分別定謚之處著大學士九卿京堂翰詹科道集議以聞並通諭中外知之欽此

乾隆四十一年正月初七日奉

上諭前以明季殉節諸臣各為其主義烈可嘉自宜查明錫謚因命大學士九卿京堂翰詹科道等集議奏聞冀以褒闡忠良風示來世茲復念建文革除之際其臣之仗節死難者史冊所載甚多當時永樂位本藩臣乃犯順稱兵陰謀奪國諸人自當義不戴天雖齊泰黃子澄等輕率寡謀方孝孺識見迂濶未足輔助少主然迹其尊主鋤強之心實堪共諒及大勢已

去猶且募旅圖存抗詞抵斥雖殞身湛族百折不回
洵為無慚名教者其他若景清鐵鉉等或慷慨捐軀
或從容就義雖致命不同而志節凜然皆可謂克明
大義甚至東湖樵夫補鍋匠之流雖姓名隱晦不彰
其心均足嘉尚特以永樂性成殘刻逞志淫刑其屠
戮之慘極於瓜蔓牽連殆非人理朕讀史至此未嘗
不深憤恨迨其中葉雖少弛厲禁而彼之臣子徇私
曲諱終不肯顯示褒揚使忠臣義士之氣久弗獲伸

殊堪憫惻夫以勝國革命之時其抗我顏行者尚念
其忠於所事特予表章矧建文諸臣不幸遘遭內難
為國捐生成仁取義豈可令其湮沒自當一體議謚
以發幽光而昭公道其應如何分別予謚之處著同
前旨交大學士等一體詳查集議具奏稱朕崇獎忠
貞有加無已之至意欽此

金匱要略

上論

乾隆四十一年二月初八日奉

旨大學士九卿等將明季並建文時殉節諸臣悉案史乘核查擬予專謚通謚及應入祀忠義祠者分冊具奏甚為允協著照所議行其進呈各冊於姓名事實摘其梗概頗見詳備著名為勝朝殉節諸臣錄交武英殿刊刻頒行即以原頒諭旨錄冠卷首仍附載廷臣所上議疏朕特製詩篇題識簡端用以垂示久遠至大學士等議覆張若淮奏請勒限訪查一摺所駁

亦甚是張若淮原奏固為善善從長之意但現在廷臣等考核釐次以明史及輯覽為據旁及一統志及各省通志參互考証其仗節死義者已有三千六百餘人是因世近可徵而朕加恩訪錄已迥非漢唐宋諸朝所可及不可謂不多今既各加旌典俾得共預闡揚於崇獎忠貞風勵臣節之道已無遺憾即使再加蒐採亦未必能復廣至千人於此事全局有何增益而稽諸文獻無徵之餘必致真偽混淆轉不足以

昭傳信且恐有司詢訪不免於吏胥草藉端滋擾里
間更非朕軫卹遺忠之本意此事亦著照所議毋庸
辦理并以此旨及議駁稿倚載卷首仍將此通諭知
之欽此

金定四庫全書

上論

大學士臣舒赫德臣于敏中等謹

奏為遵

旨集議具奏事乾隆四十年十一月初十日奉

上諭崇獎忠貞所以風勵臣節然自昔累朝姪代凡勝
國死事之臣罕有錄予易名者惟我

世祖章皇帝定鼎之初於崇禎末殉難之大學士范景文
等二十人

特恩錫謚仰見

聖度如天軫卹遺忠實為亘古曠典第當時僅徵據傳聞未暇遍為搜訪故得邀表章者止有此數迨久而遺事漸彰復經論定今明史所載可按而知也至若史可法之支撑殘局力矢孤忠終蹈一死以殉又如劉宗周黃道周等之立朝謇諤抵觸僉壬及遭際時艱臨危授命均足稱一代完人為褒揚所當及其他或死守城池或身殞行陣與夫俘擒駢僇視死如歸者爾時王旅徂征自不得不申法令以明順逆而事後

平情而論若而人者皆無愧於疾風勁草即自盡以全
名節其心亦並可矜憐雖福王不過倉猝偏安唐桂
二王并且流離竄跡已不復成其為國而諸人茹苦
相從捨生取義各能忠於所事亦豈可令其湮沒不
彰自宜稽考史書一體旌謚其或諸生韋布及不知
姓名之流並能慷慨輕生者議謚固難於概及亦當
令俎豆其鄉以昭軫慰嘗讀我

太祖實錄載薩爾滸之戰明楊鎬等集兵二十萬四路分

出侵我興京我

太祖

太宗及貝勒大臣等統勁旅數千殲戮明兵過半一時良
將如劉綎杜松等皆沒於陣近曾親製書事一篇用
揚

祖烈而示傳信惟時

王業肇基其抗我顏行者原當多為猶雍然迹其冒鎬櫻
鋒竭忠効命未嘗不為嘉憫又若明社將移孫承宗

盧象昇等之抵抗王師身膏原野而周遇吉蔡懋德
孫傳庭等以閩獻蹤躡禦賊亡身凜凜猶有生氣總
由明政不綱自萬曆以至崇禎權奸接踵閭塾橫行
遂至黑白混淆忠良泯滅每為之切齒不平福王時
雖間有追謚之人而去取未公亦無足為重朕惟以
大公至正為衡凡明季殉節諸臣既能為國抒忠優
獎寔同一視至錢謙益之自謂清流覲顏降附及金
堡屈大均輩之倖生畏死詭託繙流均屬喪心無恥

若輩果能死節則今日亦當在予旌之列乃既不能
捨命而猶假語言文字以自圖掩飾其偷生是必當
明斥其進退無據之非以隱殛其冥漠不靈之魄一
褒一貶袞鉞昭然使天下萬世共知朕準情理而公
好惡以是植綱常即以是示彰瘅所有應謚諸人並
查明史及輯覽所載遵照

世祖時之例仍其原官予以謚號其如何分別定謚之處
著大學士九卿京堂翰詹科道集議以聞並通諭中

外知之欽此又乾隆四十一年正月初七日奉

上諭前以明季殉節諸臣各為其主義烈可嘉自宜查明錫謚因命大學士九卿京堂翰詹科道等集議奏聞冀以褒闡忠良風示來世茲復念建文革除之際其臣之仗節死難者史冊所載甚多當時永樂位本藩臣乃犯順稱兵陰謀奪國諸人自當義不戴天雖齊泰黃子澄等輕率寡謀方孝孺識見迂濶未足輔助少主然迹其遵主鋤強之心實堪共諒及大勢已

去猶且募旅圖存抗詞抵斥雖殞身湛族百折不回
洵為無慚名教者其他若景清鐵鉉等或慷慨捐軀
或從容赴義雖致命不同而志節凜然皆可為克明
大義甚至如東湖樵夫補鍋匠之流雖名姓隱晦不
彰其心均足嘉尚特以永樂性成殘刻逞志淫刑其
屠戮之慘極於瓜蔓牽連殆非人理朕讀史至此未
嘗不深憤恨迨其中葉少弛厲禁而彼之臣子徇私
曲諱終不肯顯示褒揚使忠臣義士之氣久弗獲伸

殊堪憫惻夫以勝國革命之時其抗我顏行者尚念
其忠於所事特予表章矧建文諸臣不幸遘遭內難
為國捐生成仁取義豈可令其湮沒自當一體議謚
以發幽光而昭公道其應如何分別予謚之處著同
前旨交大學士等一體詳查集議具奏稱朕崇獎忠
貞有加無已之至意欽此臣等恭繹

諭旨仰見我

皇上聖仁公溥覃被無私表微闡幽至為賅備伏考戴

記謚以尊名節以壹惠鄭氏註言謚者行之迹謂使聲譽可得而尊信即以其行一大善為謚也惟是歷代易名祇為飾終常制而勝國遺忠並膺茂典者實曠古所未有謹按順治九年

世祖章皇帝軫念明末甲申殉節之臣自范景文以下二

十人及劉文炳翟永固衛時春張慶臻錫謚有差

乾隆四年

皇上允廷臣所請於明臣趙謨復予旌謚大義嘉名後

先昭揭茲者特奉

恩綸詳議追獎不惟闡獻蔓延時窮節見俾從甄錄即我

朝天戈迅掃抗顏拒命者亦令一例褒揚而明初靖
難之變蓋臣烈士甘就誅夷雖閱年逾遠并不使
終於湮晦此誠

聖主大公至正之盛心也

臣等伏讀

欽定明史諸卷或專傳特書或因文附見義法精嚴顯

微共貫

皇上申命儒臣增修輯覽於福唐桂三王事蹟詮次釐

訂褒誅筆削仰承

睿裁蓋自萬曆以降諸臣效節始末具載二書者臣等

祇遵

訓示分析攷稽而以

大清一統志與直省通志互校亦可參異同而核詳
畧至建文諸臣遺聞軼事附會不經若表忠致身

等錄皆無足徵據而一以正史為斷其中區別流品斟酌典章謹擬數條臚列如左

一明代殉國諸臣所處時地不同其素行亦各不一按大戴禮白虎通論謚大名小名並著其文應請倣其意而變通之定為專謚通謚之法其有生平大節卓然可稱而又艱貞自靖百折不回者自宜特予褒崇按名定謚若平時無甚表見而慷慨致命志節皎然則彙入通謚之列其較著者為忠

烈忠節次則為烈愍節愍期於考行稱名各有攸當

一明季應謚諸臣其在天啓崇禎間已經議卹者均無庸再給至福王時雖間有贈謚而荒殘擾攘之際偏私挂漏指不勝屈其出於唐桂二王者則減否益清規制彌陋應請自福王以後得謚者並按其應謚之實綜覈更正俾共知

盛世兩字公平實為千載定論

一 明代諸臣既邀

賜謚宜有所附麗褒彰第已事遠年湮即欲表墓旌閭亦難查考而異代之臣更不便照現行事例因謚立碑查直省府州縣各有忠義祠應於諸臣原籍令有司設牌入祀其或里居失傳者則於授命之所附祠並請

勅下翰林院撰擬專謚及通謚文各一篇交禮部刊發直省令所在按式成造木榜填書某官姓名謚字

附載事實於後懸諸祠內以昭令典其有後裔尚存願於祠墓自行鐫立碑石者聽至史冊所稱閭門遇難者不一而足似應入祀節孝祠以示表揚其有姓氏可稽者詳書於牌否則止書某某妻妾女媳同時殉難若干口用昭核實

一諸生韋布未通仕籍甚且姓名無考如山樵市隱之流遂志成仁所在多有議謚自難概及應請於謚之所不及者均令其入祀忠義祠則草野幽

貞亦不致淪於泯沒其有妻女等從殉者並如前例

一明臣如楊所修王大年李應薦張捷楊維垣輩雖臨危不屈而名麗閭黨其素行已屬有虧自不便令其濫邀謚典其因馬士英而驟遷如楊文驥者抗節亦有可矜進身究為可議若方岳貢邱瑜之殉難見於一統志以正史律之則殊有遺憾而一時勲戚之臣明史謂大半以兵死者原不在盡

節之數又如張鶴鳴之信王化貞排熊廷弼與蘓觀生之擁立朱聿鈞構難桂王皆僨事可誅隕身莫贖而馬吉翔蒲纓則表裏為奸其入緇偕亡益無足道且有於甲申謁賊苟免其後乃堅拒我大兵如傅鼎銓張家玉衛允文吳爾壌者均屏而不錄至若樓璉草詔而後自經梅殷入朝而復被害亦不得比於完節以見

聖朝權衡予奪褒貶昭然

一明史久經

欽定頒行所有新議謚法難於各傳添載臣等酌議請
照明史格式另編一冊冠以原奉

諭旨次載諸臣議疏次及所擬專謚通謚清單一體成
書與明史相附而行俾讀史者有可稽覈以昭傳
信臣等謹遵

旨集議按款分列繕冊進

呈伏候

欽定俟

命下之日一體遵奉施行再臣等大學士九卿銜名照
例於摺尾謹列外其入議之京堂翰詹科道員數
較多未能偏列銜名合併聲明謹

奏

大學士臣舒赫德于敏中等謹

奏為遵

旨一併議奏事左都御史張若淮奏請交直省督撫採訪明季殉節事迹一摺乾隆四十年十一月二十

三日奉

旨此摺並著大學士九卿等一併議奏欽此據稱竊聞定稿衙門以名史及各省通志為斷其說是矣然

明史通志固

本朝修纂之書抗志流賊者或載及之若犯我顏行
方且指為不順孰敢大書特書以誌不朽然則欲
專求之於明史通志除峻秩顯官有關大局者之
外其餘人等臣疑其不能多覩請先就明史通志
查考編次進

呈并請行文直省各督撫再加採訪務期確實不與
文獻可憑錄其姓名行迹限以半年之內陸續具
奏臣等詳加考核取其信而有徵者編纂成書等語

臣等伏查明季殉節諸臣蒙我

皇上錫謚褒忠臣等承

命集議謹遵原奉

諭旨就明史及輯覽所載詳加摘錄又思歷經官修之
大清一統志及各直省通志比正史義例較寬所收
均為詳信亦應酌加參考用廣蒐羅至一切野乘
稗官誠以其傳述多訛未敢概為援引今該左都
御史以明史通志所載無多請行各督撫再加採

訪固亦推廣

聖仁闡幽微顯之意臣等恭繹

欽定明史一書原係仰稟

睿裁筆削公正凡與

本朝交涉事蹟莫不詳確紀載毫無忌諱故上自遼
東死事諸人下及福唐桂諸王臣子之阻兵抗命
者悉皆編入列傳大書特書不特顯秩崇班各詳
本末即於子衿韋布亦一一附著其姓名方策具

存無難考見臣等現在核辦各項本於明史者實
什之七八並未有如該左都御史所云不能多覩
以致埋沒堪虞之處至如文集說部等類原非謂
其一無可據然如李國楨誤國辱身而谷應泰作
紀事本末乃謂其激烈殉義足見野史之冒濫難
憑又如吳繼善降賊被殺而吳偉業作傳乃稱其
大罵捐軀更見私集之阿謾難據是以從前修史
時間加刊削實有不得不從嚴慎者今臣等辦理

謚典擬於明史以外兼及志書褒輯已廣故專謚
通謚至有一千五六百人

聖澤覃施極為周溥若因其間尚有遺佚復令督撫採
訪增加則自今上距

國朝定鼎百有餘年正史既不載其名故老又無從
詢問文獻並不足徵而僅據其子孫呈報之詞又
將何所考核以辨其誣信轉恐真偽混淆母裨彰
闡况天下之忠義一也我

皇上褒崇節烈獎卹遺芳原主於扶植綱常垂教萬世
此不獨身被易名之典者共蒙優渥

殊恩即或當日傳聞闕略間有未發之幽潛應亦無不
正氣咸伸漏泉同感又何必勒限行查徒滋紛擾
應將該左御御史所奏之處毋庸議除謚典各條
欵已另行詳議具奏外臣等謹遵

旨將此摺一併會議是否有當伏候

訓示遵行謹

奏

欽定四庫全書

欽定勝朝殉節諸臣錄十二卷

提要

臣等謹案勝朝殉節諸臣錄十二卷乾隆四

十一年奉

勅撰明自萬曆以還朝綱日紊中原瓦解

景命潛移我

國家肇造丕基龍興東土

王師順動望若雲霓而當時守土諸臣各為其
主往往殞身碎首喋血危疆逮乎掃蕩妖氛
宅中定鼎乾坤再造陬竚咸歸而故老遺臣猶
思以螳臂當車致煩齊斧載諸史冊一一可
稽我

皇上幾餘覽古

軫惻遺忠

念其冒刃櫻鋒雖屬不知天運而疾風勁草百折

不移要為死不忘君無慚臣節用加

贈典以勵綱常

特命大學士九卿京堂翰詹科道集議於廷俾各
以原官

錫之新謚蓋

聖人之心大公至正視天下之善一也至於崇禎
之季銅馬縱橫或百戰捐生或孤城効死雖
將傾之厦一木難支而毅魄英魂自足千古

自范景文等二十餘人已蒙

世祖章皇帝易名

賜祭炳燿丹青外其繫馬埋輪沉淵伏劍在甲申三
月以前者並

命博徵載籍詳錄芳踪若夫壬午革除傳疑行遯
致身一錄見聞雖有異詞抗節諸臣生死要
為定據亦詳為

甄錄追慰忠魂大抵以

欽定明史為主而參以官修

大清一統志各省通志諸書皆臚列姓名考証
事迹勒為一編凡立身始末卓然可傳而又
取義成仁著述名教者各予專謚共三十三
人若平生無大表見而慷慨致命矢死靡他
者彙為通謚其較著者曰忠烈共一百二十
四人曰忠節共一百二十二人其次曰烈愍
共三百七十七人曰節愍共八百八十二人

至於微官末秩諸生韋布及山樵市隱名姓
無徵不能一一議謚者並祀於所在忠義祠
共二千二百四十九人如楊維垣等失身閹
黨一死僅足自贖者則不濫登焉書成

奏進

命以勝朝殉節諸臣錄為名併

新製宸章弁諸簡首

宣付武英殿刊刻頒行以垂示久遠臣等竊惟自

古代嬗之際其致身故國者每多蒙以惡名
故鄭樵謂晉史黨晉而不有魏凡忠於魏者
目為叛臣王凌諸葛誕母邱儉之徒抱屈黃
壤齊史黨齊而不有宋凡忠於宋者目為逆
黨袁粲劉秉沈攸之之徒含冤九原可見阿
狗偏私率沿其陋其間即有追加褒贈如唐
太宗之於堯君素宋太祖之於韓通亦不過
偶及一二人而止誠自書契以來未有天地

為心渾融彼我闡明風教培植彝倫不以異
代而歧視如我

皇上者臣等恭繹

詔旨仰見

權衡予奪袞鉞昭然不獨勁節孤忠咸邀

渥澤而昭彰彰立千古臣道之防者春秋大義
亦炳若日星敬讀是編彌凜然於

皇極之彝訓矣乾隆五十四年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

欽定勝朝殉節諸臣錄卷一目錄

專謚諸臣

劉綎養子捨珠附

曹文詔

盧象昇

孫承宗

子鈴
子鉉
子鍊
從孫之澈

之澤
之湧
之瀨
之泳

之澤
之湧
之瀨
之泳

呂維祺

賀逢聖

子觀明 光明附

孫傳庭

尤世威

蔡懋德

周遇吉

史可法

黃得功

劉宗周

徐石麒

高宏圖

姜曰廣

祁彪佳

左懋第

袁繼咸

黃道周

陳子龍

張國維

張肯堂

何騰蛟

瞿式耜

陳子壯

子上庸附

以上共二十六人附入祠士民十八人

欽定四庫全書

欽定勝朝殉節諸臣錄卷一

專謚諸臣

左軍都督府左都督僉書府事總兵官劉綎南昌人
於諸軍中最驍勇歷平九絲蠻緬甸羅雄朝鮮倭
播州建昌諸寇大小數百戰威名甚著萬曆四十
六年四路出師由寃佃道進與

大兵戰於阿布達哩岡兵潰戰死有養子拾孫哭圍出

手格殺數人力竭死之

見明史及輯覽

劉綎勲勞特著膽畧素優奮勇爭先捐軀最烈

今謚忠壯

援勦總兵官曹文詔大同人少有智畧歷從熊廷弼
孫承宗出師皆有功勦流賊大小數百戰忠勇冠
時為明季良將第一崇禎八年流寇猖獗文詔以
孤軍憤激請行遇賊真寧湫頭鎮伏起師潰力戰

不支自刎死

見明史及輯覽

曹文詔秉資驍猛練習戎行慷慨出師勇烈並
懋今謚忠果

總督各路援兵兵部尚書盧象昇宜興人有勇畧先
後治兵十餘年身經百數十戰親冒矢石未嘗挫
衄為楊嗣昌草所厄屢起屢躉崇禎十一年

大兵臨蒿水橋象昇督師拒戰以孤軍無援礮盡矢竭
徒手格鬪身被四矢三刃而死僕顧顯殉見明史及輯覽

盧象昇材優軍旅志竭股肱坎坷遭時艱難就

義今謚忠肅

中極殿大學士兼兵部尚書孫承宗高陽人曉暢邊事以大學士再督遼師皆著勞績為奄豐及羣小所沮未竟其用里居七年至崇禎十一年

大兵攻高陽承宗率家人拒守城陷被執從容投繩死

次子舉人鈐

一作鈴按鈴承
宗第三子先卒

四子生員鎔六子

官生鍤七子生員鑛鈐子之滂鎔子之灝兄子鍊
鋗鍊子之澈之渼之泳之澤鏘子之渙之瀚皆戰

死闔門殉節

見明史及輯覽

孫承宗身任安危志注宗社難扶傾廈終殉孤

城今謚忠定

南京參贊機務兵部尚書呂維祺河南新安人學問
清醇立朝多所建白罷職居雒陽崇禎十四年間
賊犯洛分守北城奮勇殺賊城陷被執不屈罵賊

遂遇害

見明史及輯覽

呂維祺學崇正誼守勵清操矢志殉城堪稱完

節今謚忠敬

文淵閣大學士兼戶部尚書賀逢聖江夏人廉靜自
守忠謹端方以疾告歸崇禎十五年獻賊陷武昌
被執不屈衣冠投湖死妻危氏亦投池死子觀明
光明及子婦曾氏陳氏孫三人皆溺死見明史
及輯覽

賀逢聖學術醇正行誼剛方殉義捐軀克全大

節今謚忠愍

督師總制應安鳳陽江西湖廣河南四川貴州軍務

仍總督陝西三邊兵部尚書右副都御史孫傳庭
代州振武衛人沈毅多籌畧屢建大功為楊嗣昌
所厄不盡其用崇禎十六年出關討賊至襄城連
戰皆捷會大雨七日夜糧不繼軍敗歿於陣繼妻
張氏聞西安破同妾劉氏吳氏張氏二女俱投井

死見明史及輯覽

殞今謚忠靖

孫傳庭鳳嫻良畫屢著捷功倉卒殉軍仁成身

山海關北部總兵官尤世威府谷人為明末良將屢著大功崇禎十六年闖賊犯榆林世威已家居與兵備都任等勵衆守城比陷縱火焚其家百口俱燼罵賊被殺城中無一人降者

見明史及輯覽

尤世威糾集殘旅堅守孤墉萬衆同心闔城赴義今謚忠剛

巡撫山西右副都御史蔡懋德崑山人學宗王守仁歷官有聲以知兵擢用崇禎十六年闖賊盡陷三

秦懋德提孤軍三千控禦長河南北會晉王趣保

太原賊遂陷平陽乃痛哭誓師登陴力禦明年春

部將張雄降賊縱火焚城懋德自縊死

見明史及輯覽

蔡懋德清操自矢大節難移慷慨守城從容殉

義今謚忠恪

鎮守山西等處總兵官後軍都督府左都督周遇吉

錦州人初為京營參將出勦寇數有功崇禎十七

年閹賊陷山西遇吉守寧武力戰殲賊甚衆城陷

巷戰被執大罵不屈賊懸之高竿叢射殺之妻劉氏率婦女射賊賊縱火焚之閨門盡死及見明史輯覽

周遇吉孤軍乘城百戰不屈驍勇蓋代義烈冠

時今謚忠武

督師太傅建極殿大學士兵部尚書史可法錦衣衛
籍祥符人崇禎中歷安池道為安慶巡撫愛民敬
士屢却寇兵進南京兵部尚書誓師勤王迎立福
王出鎮江北力圖興復

大兵克揚州自刎不殊被執死之

見明史及輯覽

史可法節秉清剛心存幹濟危顛難救正直不

回今謚忠正

左柱國鎮守滁和等處總兵官靖國公黃得功開原衛籍其先合肥人為偏裨多戰功天性忠義紀律嚴明所至人感其德乙酉五月

大兵渡江福王潛遁入其軍得功敬焉泣率麾下守禦忽飛矢中喉知事不濟拾箭刺吭死妻聞之亦自經

見明史
及輯覽

黃得功材昭武勁性懋樸忠衛主殞身克明大

義今謚忠桓

都察院左都御史劉宗周山陰人學術深醇立朝忠
讜指陳多中時弊南都亡杭州亦失守赴水不死

絕食二十三日而卒

見明史
及輯覽

劉宗周望著清標言多讜論純脩無兩介節獨

持今謚忠介

吏部尚書徐石麒嘉興人崇禎中為刑部侍郎讞獄

平允福王召為尚書力持正義忤馬士英罷歸

大兵定嘉興自經死妻孫氏赴水死

見明史及輯覽

徐石麒風規挺直議論老成殉義從容全節無

愧今謚忠懿

太子少師文淵閣大學士吏部尚書高宏圖膠州人
崇禎中為工部侍郎耻與中官張彙憲共事抗論
削籍福王時入閣以持正與馬阮不合乞歸寓會

稽南京破逃野寺中絕粒死

見明史及輯覽

高宏圖秉直忤時懷忠事主國亡身殞大節炳

然今謚忠直

東閣大學士禮部尚書姜曰廣新建人官翰林奉使

廉潔侍經筵議論激切福王時入閣以鯁直為馬

阮所擠罷去後南昌破投偰家池死

見明史及輯覽

姜曰廣抗論觸邪協心事主捐軀殉國無負本

衷今謚忠確

巡撫應天等處都察院右僉都御史祁彪佳山陰人

初為興化推官善折獄擢御史直言敢諫巡撫江

南靖亂安民有治績忤馬阮等罷歸聞杭州破紿

家人先寢投水死

見明史及輯覽

難今謚忠惠

祁彪佳廉靜自守撫輯有方績著居官節全臨

督師經理河北兵部右侍郎兼右僉都御史充通問
使左懋第萊陽人崇禎中為知縣有異政擢給事

中屢陳時弊福王時受命奉使

大清館於太醫院南都既破諭降不從死

見明史及輯覽

左懋第仗節難撓蹈死不悔出疆之義無愧全

貞今謚忠貞

總督江楚應皖等處軍務兵部右侍郎兼都察院左副都御史袁繼咸宜春人崇禎時分巡武昌擊賊有功任總督以忠義結左良玉心福王初立極言時弊良玉舉兵被留軍中其子左夢庚既降

大清繼咸遂被執入都不屈殺之

見明史及輯覽

袁繼咸義感悍軍忠抒讐議克堅大節悉本純

襄今謚忠義

督師少傅武英殿大學士兼吏兵二部尚書黃道周

漳浦人學行推重於天下崇禎中劾楊嗣昌陳新

甲方一藻名對平臺反覆抗論坐謫戍南都亡往

見唐王請募兵江西得義旅九千餘人出徽州遇

大兵戰敗被執至江寧不屈死之

見明史及輯覽

黃道周碩學清操孤忠亮節克全儒行無愧貞

臣今謚忠端

兵部右侍郎兼翰林院侍讀學士陳子龍華亭人為紹興推官定東陽民亂擢給事中屢陳時計後以

結太湖兵舉事應浙閩被執乘間投水死見明史及輯覽

陳子龍學問淹通猷為練達貞心可諒大節無

虧今謚忠裕

督師少傅武英殿大學士兵部尚書張國維東陽人

為給事中蹇諤敢言巡撫應天總督河道有禦寇
治河功南都破請魯王監國紹興順治三年江上
師潰國維還守東陽知勢不支作絕命詞赴水死

見明史
及輯覽

張國維保障巖疆支撐餘燼心堅抱義力矢全
忠今謚忠敏

東閣大學士兼吏部尚書張肯堂松江華亭人崇禎
中在言路著蹇諤聲巡撫福建嘗遣兵入衛唐王

命為尚書請由海道抵江南為鄭芝龍所阻唐王敗走從魯王順治八年

大兵破舟山城肯堂衣蟒玉南向坐從容賦詩自經死妾周氏方氏姜氏畢氏子婦沈氏女茂漪同死見明

史及
輯覽

張肯堂大義能明忠謀素蘊崎嶇渡海慷慨捐生今謚忠穆

督師兵部尚書兼武英殿大學士定興侯何騰蛟黎

平人崇禎末巡撫湖廣能調護左良玉軍唐王時降闖賊餘衆軍聲大震桂王時入廣西竭力戰守後因進取長沙師潰至襄潭被執絕食七日死之

見明史及輯覽

何騰蛟志切持危情堅報主艱難百戰始終一心今謚忠誠

武英殿大學士兼吏兵二部尚書桂林留守桂臨伯瞿式耜常熟人崇禎中為給事中搏擊權豪論事

切直福王時為廣西巡撫定亂有功迎立桂王力保危疆支持數載

大兵破桂林被執不屈死

見明史及輯覽

瞿式耜定議立君竭誠奉上義全忠孝節貫存

亡今謚忠宣

東閣大學士兼兵部尚書節制閩廣江楚軍務陳子壯南海人初為翰林忤逆奄削籍崇禎時為禮部侍郎持論抗直

大兵破廣州子壯起兵應桂林不克被執受戮死母朱

氏自縊子上庸起兵九江村歿於陣

見明史及輯覽

陳子壯早敦直節晚抗軍鋒白刃無辭丹心堪

憫今謚忠簡

以上專謚諸臣二十六人

附入祠士民十八人

欽定勝朝殉節諸臣錄卷一

欽定四庫全書

史部

欽定勝朝殉節諸臣錄卷二

武英殿纂修中書臣彭元琥

欽定四庫全書

欽定勝朝殉節諸臣錄卷二

目錄

通 諡忠烈諸臣

杜 松

龔念遂

李希泌

馬 林

子燃 嘉附

喬一琪

張承蔭

賀世賢

楊宗業

羅一貫

趙率教

孫祖壽

劉之綸

黃龍

王一桂

王肇坤

喬若雯

李禎寧

宋學朱

金國鳳

曹燮蛟

顏孕紹

范淑教

吳良能

右封疆殉節

王國興

賀讚弟誠附

邵宗元

劉宗嗣

右甲申殉節

沈猶龍

劉肇基

侯承祖

子世祿附

閻應元

右福王殉節

邱祖德

溫璜

蔣若來

鄭為虹

周之藩

傅冠

郭維經

詹兆恒

右唐王殉節

吳鍾巒

張煌言

右魯王殉節

李若星

張同敞

揭重熙

陳邦彥

張 耀

羅國璣

右桂王殉節

賀虎臣

郭應響

陸夢龍

艾萬年

史記言

王信

俞沖霄

湯九州

鄧祖禹

侯良柱

潘可大

郝景春

子鳴鑾附

武大烈

王錫

張令

李秉雲

劉光祚

顏日愉

魏令望

潘宏

劉振之

馬剛中

蘇瓊

猛如虎

姜名武

關永傑

汪喬年

楊文岳

黨威

李貞佐

虎大威

王世琮

孫應元

陳 美

陳顯元

黃世清

都 任

李昌齡

王世欽

劉廷傑 弟廷燮附

惠顯

侯世祿

焦源溥

郭天吉

馬曠

蕭漢

段復興

南居益

劉熙祚

蔡道憲

陳璣

許文岐

崔文榮

周鳳岐

郭裕

李新

馬 颸

林日瑞

陳士奇

劉之勃

從子文郁附

李舍乙

王行儉

沈雲祚

賀應選

應時盛

丁泰運

右寇難殉節

以上共一百十三人 附入祠士民八人

欽定四庫全書

欽定勝朝殉節諸臣錄卷二

通諡忠烈諸臣

薊遼總兵官杜松崑山人右都督桐弟奮勇敢戰歿

著邊功萬曆四十六年率兵出撫順闢與

大兵戰於薩爾滸山歿於陣

見明史
及輯覽

遊擊龔念遂與李希泌籍貫俱未詳萬曆四十六年

隨總兵杜松等率兵出撫順與

大兵戰於幹琿鄂謨地歿於陣

見明史及輯覽

遼東總兵官都督僉事馬林蔚州人萬曆四十六年

與

大兵戰於尚間崖軍敗死之子燃

燭俱隨父殉節

見明

史及輯覽

遊擊喬一琦上海人萬曆四十六年監朝鮮兵出寬

佃道與劉綽並禦

大兵於阿布達哩岡軍敗自縊死

見明史

遼東總兵官張承蔭榆林衛人都督臣子積有邊功

萬曆四十六年

大兵拔撫順承蔭赴援力戰死史見明

瀋陽總兵官都督僉事賀世賢榆林衛人勇敢善戰

天啓元年

大兵薄瀋陽力戰中矢死見明史及輯覽

援遼總兵官楊宗業一作仲業籍貫未詳天啓元年援兵

赴援遼陽與

大兵戰敗父子俱死之

見明史

西平副總兵羅一貫甘州人天啓元年

大兵攻城一貫率三千人悉力拒守力竭自刎死

見明史及

輯覽

山海總兵官左都督掛平遼將軍印趙率教陝西人

崇禎元年

大兵由大安口南下率教馳援三晝夜抵三屯營戰于

遵化中流矢死

見明史及輯覽

薊鎮總兵官孫祖壽昌平人崇禎二年

大兵薄都城祖壽散家財招回部曲從經畧滿桂戰死

按滿桂明
謚毅愍見明史

兵部右侍郎協理京營戎政劉之綸宜賓人由庶吉士超擢侍郎督京營兵崇禎三年

大兵自永平趨三屯營之綸發礮炸軍亂嚴鼓力戰死

矢四集死於陣見明史及輯覽

鎮守東江總兵官都督僉事黃龍達東一作南昌人屢著

戰功崇禎六年

大兵破旅順力戰不勝自刎死

見明史及輯覽

戶部主事王一桂黃岡人崇禎九年以督餉至昌平分扼南城城破被執死之妻姚氏妾邱氏陳氏各抱子女投井家衆二十七人悉赴井死

見明史及輯覽

江西道御史巡視山海居庸二關王肇坤蘭溪人崇

禎九年

大兵入喜峰口力禦不敵退保昌平援不至城破被四

矢兩刃而死

見明史及輯覽

兗州知府喬若雯臨城人為部曹時抗疏言事有直聲出守剔除姦弊以疾歸崇禎十一年

大兵破臨城端坐按劍而死

見明史及輯覽

山西按察使李禎寧臨城人罷歸崇禎十一年

大兵薄臨城佐有司固守城破率家衆格鬪中槊死一門死者數人

見明史

巡按山東御史宋學朱長洲人嘗抗疏論事時論壯

之崇禎十一年行部章邱聞

大兵下山東馳還與布政司張秉文議守城連章告急

明年正月城潰戰死見明史

寧遠團練總兵官署都督同知金國鳳宣府人崇禎

十二年

大兵攻寧遠率親兵鏖戰移時矢盡力竭與二子俱死

見明史

山東東協總兵官左都督曹變蛟大同人關中勦賊

功最多才勇冠時從洪承疇救錦州戰敗保松山

崇禎十五年

大兵破城被執死之

見明史

河間知府顏孕紹曲阜人復聖六十五代孫剿寇有

功撫循饑民厯著循聲崇禎十五年

大兵臨河間率衆堅守援兵不至賊破闔門同焚死

見明史

史

吏科給事中范淑泰滋陽人崇禎十五年典試事竣

還家值

大兵圍兗州竭力固守城破不屈死

見明史

滕縣知縣吳良能蓋州人崇禎十五年

大兵至滕縣城將破盡殺家屬拜母出力戰死

見明史

以上封疆殉節諸臣二十三人

附入桐民二人

新城侯王國興東平人孝和太后弟昇子崇禎十七

年閹賊陷城自焚死

見明史

神樞營副總兵部督僉事賀讚保定人總兵虎臣子

勇敢有父風闢賊薄京師率所部迎擊于高梁橋
奮勇大戰斃亂箭射死弟生員誠賊陷保定家人
勸易衣適叱曰吾忠臣子若逃何以見先將軍地
下偕妻高氏及女投井死見明史及輯覽

保定同知邵宗元碭山人有治行崇禎十七年攝府
事閩賊至真定遊擊謝嘉福迎賊投書誘降手裂
之賊欲奪其印不與被斷指而死見明史及輯覽

大寧都司後指揮同知劉宗嗣清苑人崇禎十七年

分守東城力不支先縊殺妻毛氏媳王氏及妹女
城陷被執罵賊奪刀殺二賊支解死

見明史
輯覽

以上甲申殉節諸臣四人

附入祠士民一人

兵部右侍郎沈猶龍松江華亭人崇禎時巡撫福建
討賊有功福王召未起南京亡募兵守松江城城

破中矢死

見明史
輯覽

援剿圍練總兵官右軍都督府左都督劉肇基遼東
籍贛榆人初剿流寇屢有功史可法檄防河赴援

揚州守北門城破率所部巷戰死

見明史

金山衛指揮使功加參將侯承祖一作王音
本音本衛人
大兵至竭力固守城破巷戰力盡被執諭降不從死于

世祿巷戰中四十矢被殺死之

見明史及輯覽

英德主簿閻應元順天通州人初為江陰典史以禦

海賊功遷職未赴南京破率江陰人守城竭力捍

禦者三月

大兵入城衆猶巷戰應元赴水被執不屈死

見明史及輯覽

以上福王殉節諸臣四人附入祠士
民一人

巡撫山東右僉都御史邱祖德成都人罷官後流寓寧國舉兵應金聲兵敗被獲磔死見明史及輯覽

徽州府推官溫璜烏程人練徽州民兵為保障計復與金聲相犄角轉餉其軍城破刃其妻茅氏及女

自刎死見明史及輯覽

都督蔣若來長洲人善騎射屢破賊有功後守金華援絕先焚其妻子巷戰經日力盡自刎死見明史及輯覽

巡按上游四府仍兼巡閱監軍御史鄭萬虹儀徵籍

歙縣人扼守仙霞關

大兵入閩被執不降戮死

見明史

總兵周之藩井研人時追兵將及唐王于汀洲之藩

衛主巷戰矢集其身而死

見福建通志

東閣大學士兼禮部尚書傅冠進賢人崇禎時入閣性簡易罷職歸唐王時起原官督師江西後致仕

大兵下福建被執不屈死

見明史

吏兵二部尚書兼右副都御史總理軍務郭維經龍
泉人孤介強立崇禎中在南臺劾溫體仁以直聲
著唐王命率師援贛州城破入嵯峨寺自焚死見明

史

兵部左侍郎詹兆恒永豐人崇禎時為南京御史有
殊績福王時嘗劾阮大鋮唐王命佐黃道周守廣

信尋奔懷玉山攻開化兵敗死於陣見明

以上唐王時殉節諸臣八人

禮部尚書兼右都御史吳鍾璽武進人從魯王至舟山往來普陀山中聞

大兵至寧波急渡海入昌國衛之孔廟積薪自焚死見明

史及
輿覽

東閣大學士兼兵部尚書張煌言鄞縣人初以舉人奉表迎魯王至紹興監國復以兵從至海外後桂王遙命為大學士聞滇南平散遣部曲遁居懸舟

為

大兵所襲執諭降不從死

見明

以上魯王殉節諸臣二人

吏部尚書李若星息縣人為御史劾發魏忠賢客氏
姦討貴州餘孽有功桂王時召為尚書武岡破自

刎死

見明史
輯覽

總督各路兵馬兵部右侍郎兼翰林院侍讀學士張
同敞江陵人大學士居正曾孫總督軍務每戰輒
為諸將先

大兵至桂林被執諭降不從整衣冠就刃顏色不變而

死見明史

總督江西兵部尚書兼右副都御史揭重熙臨川人

事唐桂二王屢率兵攻撫州邵武不克為

大兵襲執送建寧不屈受戮見明史及輯覽

兵科給事中陳邦彥順德人起兵謀復廣州不克入

清遠

大兵破城被執不降戮死見明史

貴州布政使張耀一作熾三原人知聞喜慈惠撫民孫

可望攻貴州耀至定番州率家衆棄城拒守城陷

被執勸降不屈被殺並家屬十三人同死見明史

巡按雲南御史羅國璵嘉定州人孫可望攻曲靖國

璵方按部其地嬰城拒守城陷被執不屈擄至昆

明自焚死見明史及輯覽

以上桂王殉節諸臣六人

鎮守寧夏鎮總兵官賀虎臣保定人破賊有功崇禎

六年偕總兵曹文詔等破賊甘泉會察罕合套寇
薄靈州奮勇擊賊援絕歿於陣

見明史及輯覽

分巡河西道僉事郭應響福清人崇禎五年寧塞流
賊襲鄜州應響仗劍領家丁拒北關手刃十五賊
繼又突至手刃三賊力屈死

見明史及輯覽

整飭固原兵備道叅政兼副使陸夢龍浙江山陰人
屢勦流賊斬獲甚衆崇禎七年流賊陷隆德提兵
赴援至綏德遇伏搏戰被執罵賊攢刺死

見明史及輯覽

孤山副總兵加署都督僉事艾萬年米脂人由武學
生從軍積功大小數十戰皆捷崇禎八年與閹賊
戰襄樂鎮斬賊數百陷伏力竭被執不屈死見明史及

輯覽

陝州知州史記言當塗人事母以孝聞崇禎八年閹
賊犯陝練兵殺賊甚多力守三月賊乘夜雪陷城
被執罵賊刺臂裂腹而死見明史及輯覽

真陽知縣王信陝西寧州人以孝聞崇禎八年率衆

禦賊力竭被執賊欲挾以贍城大罵斷頭剖腹死

見明史及輯覽

鎮守延綏總兵官左都督俞沖霄靖邊衛人崇禎九年閹賊犯綏德拒戰竟日殺獲甚多中伏援絕歿

於陣見明史及輯覽

昌平總兵官署都督僉事湯九州石埭人以故總兵從軍自効崇禎九年率兵勦賊從嵩縣深入因左良玉援軍中道而回遂陣沒於九龍山

見明史及輯覽

辰沅副總兵鄧祖禹蘄水人嘗以遊擊入衛京師力

戰盧溝橋崇禎九年檄援應城血戰殺賊甚多陷

重圍被執勸之降罵賊剖腹死

見明史及輯覽

鎮守四川總兵官左都督侯良柱叙南衛人初討奢

寇復遵義城崇禎十年闖賊自陝西趋四川廣元

縣大敗之賊至益衆戰於綿州力竭死于陣

見明史及輯覽

輯覽

安慶副總兵潘可大江寧人崇禎十年賊犯太湖與

程龍等禦賊鄧家店多殺傷會天雨甲重不得出
力戰月餘矢盡糧絕戰死

見明史及輯覽

房縣知縣郝景春江都人前攝黃安縣堅守八日賊
解去羅汝才等降景春立意主勦總制熊文燦不
從崇禎十二年獻賊等叛攻房縣景春請援于文
燦十四往不報督兵固守力不支為所執說降不
從被磔死其子生員鳴鑾力敵萬人嘗詣羅汝才
勸降知其偽授兵登陴固守城將崩灌以熱油又

擊傷獻賊左足入壘識其卧帳將襲擒之指揮張

三錫導賊至被殺僕陳宜同死

見明史及輯覽

永寧知縣武大烈臨潼人崇禎十三年賊攻城戰

守三晝夜殺賊甚多力竭城陷被執索印不予燔灼

死見明史及輯覽

巴縣知縣王錫新建人屢著戰功崇禎十七年獻賊

穴城錫熱油灌之賊多死遂發大礮陷城被執罵

賊備極刑而死

見明史及輯覽

鎮守川北副總兵張令蘭州人永寧宣撫司土目忠

勇善戰所至竭力守禦崇禎十三年獻賊至重慶

今年七十馬上能用五石弩與女將秦良玉扼於

竹箇坪大殺賊乘勝前進中伏弩死見明史及輯覽

大梁道兵備僉事李秉雲高陽人知浮山擊賊却走

崇禎十四年閹賊寇禹州誓死固守賊以十萬衆

陷城執使跪罵賊縛於樹攢射之支解死見明史及輯覽

保定提督三關總兵官劉光祚榆林人累戰有功崇

禎十四年闖賊覆傅宗龍兵乘勢攻南陽唐王邀與守城用計殺賊精銳血盈袍袖為賊揕死見明史及輯覽

南陽知府顏曰渝上虞人初令兼有憲政崇禎十四年獻賊攻城設守具賊冒雨登城擊殺幾盡賊引去城獲全曰渝被一矢二刃死見明史及輯覽

太康知縣魏衛一作令望武鄉人崇禎十四年流賊攻城嚴加守備賊憤甚力攻城陷巷戰死閹門自焚

見明史
及輯覽

舞陽知縣潘宏一作宏道淮安山陽人數討土寇有功崇

禎十四年賊至固城守發礮擊賊諸生潛降賊
縛宏以獻索印不予大罵不屈支解死于澄瀾投

井死見明史
及輯覽

鄖縣知縣劉振之慈谿人剛方敦行崇禎十四年賊
至嬰城固守城陷賊縛置雪中三日夜罵不絕

聲支解死見明史
及輯覽

翰林院檢討馬剛中商城人省覲歸崇禎十四年闖
賊至分城守募義勇搏戰城陷不屈支解死見明史及

輒覽

瀘州知州蘇瓊石埭人崇禎十四年獻賊陷瀘被執
罵賊磔死妻舒氏自刎一家從死者七人見統志

鎮守南陽總兵官猛如虎榆林人驍果善戰屢著勞
績崇禎十五年閹賊攻南陽疽發背力疾奮戰以
計破賊礮傷其精銳城陷持短兵巷戰袖血淋漓

賊齎殺之及輯覽

見明史

保定河北山東總督中軍總兵官姜名武保德州人慷慨有才畧守昌平論功加秩崇禎十五年賊圍開封往援左良玉兵先退諸軍皆潰獨名武堅壁固守與賊血戰力竭被執罵賊斬死麾下無一人降者

見明史及輯覽

睢陳道兵備副使闢永傑蒲州籍翼昌衛人為紹興推官強立不阿崇禎十五年闢賊攻陳州勵卒守

城賊遣使說降斬之懸于城上賊攻益急力竭城

陷格殺數賊中亂刃死

見明史及輯覽

總督陝西三邊軍務兵部右侍郎右副都御史汪喬
年遂安人清正自持有才武嘗檄米脂令邊大綬
發掘李自成祖父塚崇禎十五年攻闖賊襄城解
左良玉郾城之圍率先登陴禦七晝夜矢石俱盡
良玉兵不赴援城陷巷戰力竭自刎未殊被磔死

見明史及輯覽

總督保定河北山東軍務兵部右侍郎右副都御史

楊文岳南充人嘗擒斬閹賊梟將於開歸陳許間

崇禎十五年在汝寧關賊來攻文岳率兵悉力守

禦賊衆環攻礮矢雨下力竭城潰被執罵賊賊以

大礮擊之洞脣糜骨而死

見明史及輯覽

三邊總督中軍副總兵黨威神木人初與閹賊大小

十七戰頗得勝崇禎十五年總督汪喬年被圍襄

城率兵衝突當者披靡力漸竭城中食盡援不至

身被數十創自刎死

見明史及輯覽

郊縣知縣李貞佐一作李貞安邑人以學行著訓民有方

前令李可灼守城遇害邑被焚掠至則練鄉兵守

城邑崇禎十五年賊復陷城被執大罵賊斷其

舌支解死母喬氏亦罵賊死

見明史及輯覽

防守汝寧總兵官虎大威榆林人嫻將畧扼賊數有

功崇禎十五年隨總督楊文岳援河南大敗賊於

汝寧秉勝遂北中飛砲死

見明史及輯覽

分巡汝南道僉事王世琮達州人初為河南府推官
善殺賊嘗矢貫耳不為動人號為王鐵耳崇禎十
五年賊陷汝寧被執大罵賊以礮擊之肉糜而

死見明史及輯覽

總兵官左都督孫應元籍貫未詳善戰所至有功崇
禎十五年擊賊羅山秉勝逐北孤軍無援死之見明

史及
輯覽

宜城知縣陳美新建人安輯流亡擊賊敗去崇禎十

五年闢賊攻城悉力守禦相持八晝夜賊以大礮攻擊城遂陷被執罵賊支解死

見明史及輯覽

新安知縣陳顯元蘄縣人城經摧頽率民入保闢門寨碎賊偽檄崇禎十五年賊來犯守月餘力竭寨

陷罵賊支解死

見明史及輯覽

撫治商雒道副使黃世清勝縣人崇禎十六年賊犯

商州有降賊者發礮斃之憑城守士民効死礮石

盡婦人掘街砌繼之城陷罵賊與一家十三人同

遇害僕朱化鳳願與主同死罵賊被殺見明史

及輯覽

整飭榆林中路按察司副使一作布政使都任祥符人性

剛方多忤物崇禎十六年閹賊陷西安任集軍將

流涕諭以大義憑城死守殺賊甚衆連十三晝夜

城陷士卒不逃巷戰三日罵賊自刎全家縊死見明史

史及輯覽

署領榆林鎮原任延綏總兵官都督僉事李昌齡鎮

番衛人崇禎十六年閹賊犯榆林倡義與副使都

任等守城灑血誓師用礮擊賊死者無算七晝夜

城推撤屋為重垣比陷巷戰無一人降者昌齡被

執罵賊磔於市

見明史及輯覽

山海關南部總兵官王世欽榆林人乞養在家崇
禎十六年賊犯榆林與副使都任等分城拒守
出戰屢勝援絕城陷被執械至西安罵賊死之妻

高氏投井死

見明史及輯覽

延綏撫標叅將劉廷傑綏德州人崇禎十六年賊

犯榆林率衆激以大義分城固守殺賊甚多城陷

被執罵賊支解死其弟廷夔收兄屍亦自投閣死

見明史及輯覽

延綏鎮中協副總兵惠顯清湖人以忠義自許崇禎

十六年閹賊犯榆林與副使都任等嬰城死守城

陷被執罵賊磔於市

見明史及輯覽

寧夏總兵官侯世祿綏德州人勇敢精悍屢著戰功

里居崇禎十六年閹賊犯榆林募敢死士縋城擊

賊分城拒守城陷死之

見明史及輯覽

巡撫大同右副都御史焦源溥三原人為御史抗疏直言巡按真定為崔文昇所忌引疾歸崇禎十六年閹賊陷城罵賊拔其舌支解死

見明史及輯覽

甘肅西協副總兵郭天吉榆林衛人崇禎十六年閹賊犯甘州城陷巷戰不屈被磔

見明史及輯覽

甘肅總兵官馬爌蔚州人總兵林子崇禎十六年甘州城陷焚妻子媵妾戰死僕馬兒亦自刎死

見明史及

辨覽

鍾祥知縣蕭漢南豐人有廉名崇禎十六年閹賊薄城登陴拒守五晝夜突圍出護獻陵城遂陷被執拘之吉祥寺自刎死

見明史及辨覽

分守河西道參議段復興陽穀人閹賊陷西安遣使三至勸降皆斬之簡精銳城守發礮石殺賊滿濠崇禎十六年賊盡銳力攻四日不能支遂自刎母田氏與妻楊氏妾牛氏宗氏張氏及女同焚死家

人單周及妻李氏殉馬

見明史及輯覽

工部尚書南居益渭南人少勵操行撫閩時屢平海

患奪職歸崇禎十六年閩賊入閩誘之降加以炮

烙終不屈死之

見明史及輯覽

巡撫湖南御史劉熙祚武進人為縣令有善政崇禎

十六年獻賊寇長沙督水寨兵以禦力不支遣部

將護吉惠二王赴廣西而已還守永州戰敗茅栗

鋪被執說降不屈受極刑死

見明史及輯覽

長沙推官蔡道憲晉江人廉明有才畧崇禎十六年

獻賊薄長沙時道憲署府事慷慨登陴誓死固守

獻賊至城下呼與語道憲大罵挽強弩射之賊穿

地道攻城三日城陷被執百計勸降罵益厲先殺

其健卒脅之不屈被磔死其卒瘞之南郊醴陵坡

見明史
及輯覽

監軍分守上湖南道副使陳璣漳浦籍鎮海衛人令

永嘉有治聲為袁州推官拒楚賊有功守湖南討

平八排賊崇禎十六年督衡永等兵誓師鰲山鋪
與獻賊戰乘勝深入血戰六十里被執罵賊斷手
足剖肝而死見明史及輯覽

湖廣糧儲道叅政許文岐仁和人鎮靜有謀歷著勳
畧崇禎十六年由左江道擢任當行獻賊攻蘄州
發礮斃賊甚衆夜大雪賊破西門文岐巷戰被執
謀襲賊事覺見殺見明史及輯覽

分守武漢黃三府叅將加副總兵崔文榮海寧人崇

禎十六年獻賊攻漢陽文榮自武昌夜襲賊營斬

賊六百餘勦主將守漢水不聽賊遂渡河陷武昌

文榮出戰殺賊賊攢槊刺之洞脣死見明史及輯覽

分守上荆南道兵備叅政周鳳岐永康人崇禎十六

年獻賊來攻分守澧州孤城援絕城陷被執勦降

罵賊剖腹而死見明史及輯覽

棗陽知縣郭裕新淦籍清江人崇禎十六年獻賊將

至率精兵守城殺賊七百餘人賊盡銳來攻明年

元旦城陷被執罵賊支解死閨門殉之

見明史及輯覽

陝西監軍道僉事李新蘄州人乞養歸崇禎十六年

獻賊陷城盡殺其家人脅之新抱父屍罵賊被殺

見明史及輯覽

河陽州同知馬麟蔚州籍同官人世為將家有膽智

崇禎十六年閹賊寇州城奸民通賊麟出逆戰殺

賊甚衆力竭被執罵賊以鎗洞腹而死

見明史及輯覽

巡撫甘肅贊理軍務右副都御史林日瑞詔安人為

寧紹道浙江按察使並有政聲崇禎十七年閩賊

犯甘州乘城守禦會大雪寒甚賊夜襲城被執罵

賊磔死

見明史及輯覽

巡撫四川提督軍務右僉都御史陳士奇漳浦籍鎮海衛人崇禎十七年獻賊破涪州衆百萬至城下日夜登陴以礮擊死賊無數城陷被執脅降罵賊

支解死

見明史及輯覽

巡按四川御史劉之勃

一作渤海

寶雞人崇禎十七年力

守成都城陷被執賊以同鄉百計誘降瞋目大罵
被攢射死從子生員文郁抱屍痛哭觸樹死見明史及

輒覽

兵部右侍郎李含乙渠縣人以憂歸崇禎十七年獻
賊陷成都舍乙破家募兵恢復廣安州後與賊戰
馬蹶被執罵賊死見明史及輒覽

重慶知府王行儉宜興人崇禎十七年獻賊至率民
死守城陷被執不屈脔割而死見明史及輒覽

華陽知縣沈雲祚長洲人崇禎十七年獻賊陷夔門
並謁蜀府晝守禦策勸出帑藏募士不從城陷被

執幽於大慈寺誘之降罵賊為所殺見明史及輯覽

資陽知縣賀應選丹陽人崇禎十七年獻賊陷城罵

賊死闔門十七人皆被害見江南通志

山西撫標中軍副總兵應時盛慈谿人世居遼陽崇
禎十七年從巡撫蔡懋德守城巷戰殺賊力不支

先殺妻子縊死懋德屍側見明史及輯覽

河內知縣丁泰運澤州人著廉直聲崇禎十七年誓

死守南城巷戰被執罵賊熱以鐵索終不屈磔死

見明史
及輯覽

上寇難殉節諸臣六十六人

附入祠士民四人

右自杜松以下共一百十三人或血戰捐軀或竭力守土或閹門赴義或抗論輕生義烈較著俱通

謚忠烈

欽定勝朝殉節諸臣錄卷二